



09400

烟嶼樓詩集卷十六

鄣 徐時棟柳泉稿

慈谿葉鴻年吉甫刊



七律下

詁經精舍分賦漢史十一章

蕭何

暴露征衣尙戰攻鄼侯專任屬關中東陵畫策身家事
南鄭追亡社稷功相國勛名高一代漢廷指顧失三雄
咸陽送我贏錢二猶有恩讎記沛豐

曹參

烟嶼樓詩集十六

一

壯歲干戈勞績著暮年輔弼政刑寬匹夫遇主成功易
大將趨朝守法難吏舍醉歌如有意兒曹私諫轉無端
暴秦繼世宜清淨宰相崇高豈備官

張良

漢初競說畱侯事藉甚聲名已到今銷印但聞忠漢計
奮錐不了報韓心飛鴻高舉柰何曲野雉晨鳴空好音
聊向君王稱道引網羅滿地入山深

陳平

慈谿葉鴻年吉甫刊

頻年糠覈舌猶存負郭窮居弊席門從楚破秦銷壯志
度河入漢壓驚魂無多奇計圖天下第一陰謀誤子孫

陸對數言全大體相臣持重廟堂尊

韓信

不意當年執戟郎已操成算會滎陽市人可戰方眞將
國士無謀請假王羽亦重瞳徒叱咤蒯能相背總荒唐
良弓藏後空飛鳥射雉應憐一矢亡

樊噲

吾愛將軍率性行芒碭同起未知名故宮忽短英雄氣
中禁空畱宦豎情不信斯人終寂寞果然數語壓公卿
當年卮酒鴻門會西楚君臣膽已驚

童曰八句當作一氣讀

烟嶼樓詩集十六

二

陸賈

開國儒臣太寂寥陸生清議故超超漢皇圖治書新奏
越尉稱臣語不驕高坐且談天下事浪遊肯仕婦人朝
安車駟馬從容去好時田疇素沃饒

賈誼

主上崇文治運開賈生年少洛陽來新封愛子煩公傅
重爲蒼生老此才謀國經猷歸練達諫書磊落露風裁
異時不幸言多中湘水長流意可哀

周亞夫

帳中曾爲奪符驚誰道淮陰善將兵介冑在身軍禮見

天王按轡壁門行。他年不拜滎陽詔。成法依然細柳營。
藩服謗言從此起。退朝日送太多情。

蘇武

凍雪寒冰絕域中。廿年歲月太恩恩。始終無改貞臣操。
親故難忘長者風。帝詔單于歸漢節。天生通國報孤忠。
當年徐趙皆男子。不獨長羅意氣同。

董仲舒

邪說爭鳴各異途。謹遵轍迹是江都。才非王佐通經媿。
家治春秋絕學無。殿上賢良方被詔。關中徵發已防胡。
賈生顛顛董生老。閑散人閒兩大儒。

烟嶼樓詩集十六

三

舊評鎮海姚梅伯曰。鄴侯賈二詩。尤極雄渾。

鳥曰。醞釀深厚。斷制精嚴。有此識。方可論古。有此才。方可詠史。

王曰。詠史諸作。才雄識卓。學人詞人均無從望其肩背。

童曰。詠史詩。識力超卓。筆力雄健。必傳無疑。

劉曰。申臆盟氏評杜詩云。今人作七律。堆砌排偶。全無生氣。而矯之者。又單弱無體裁。讀杜諸律。可悟不整爲整之妙。吾師詠史諸作。節奏自然。純乎化境。知導源有自矣。

陸曰。詠史諸作。卓識不磨。名論不刊。迥非人云亦云。至其格律之謹嚴。音節之宏亮。自是三唐嫡派。

余丈夢坪輓詩

二十年前早識公。搥衣隅坐尙兒童。每因話舊呼從事。
更爲論交拜侍中。少時隨諸兄。兄事丈。其後因與嗣君。
尊沚同學。竊取北海拜陳之義。呼丈。

爲多難避人常咄咄夕陽流水太恩恩只今腹痛菱池
路陌巷猶畱長者風

贈金陵朱述之大令

緒會

脫帽看詩結酒雋有書未擬上荊州勞君自遠來相見
媿我無奇可借畱願以所餘波晉國敢因爭長齒滕侯
高人格格儒生學都是塵寰第一流

烏曰五六
用古入化

二

君家建業我句餘桑梓徵文兩意如顛鼈目睛勤愛惜
蝸碑蟲簡費躊躇荒材無補千秋業海國新添一部書

烟嶼樓詩集十六

四

擬刻宋元四明五志近又從
先生處借鈔大德昌國志夢寐經年今果得助余將

伯敢忘諸先是羅鏡泉以智來司
訓鎮海嘗語余此書

三

烟嶼樓前又駐驂高軒過我已經三惠貽手澤先人集
先生以手編八
世家集見贈頓愈頭風半日談八代文章雄海內一
門壇坫在江南夜深把卷圖詩派元禮搜羅未足貪

四

捧檄西來到海濱清風亭子十洲春

先生近以收復定
海來鄞佳月湖芙

蓉客途名士多高弟

吾鄞王丈月農董虛竹蕭
佩蘭諸公皆出先生門下行笈奇

書是故人青眼相期傳世學黑頭好寄宰官身浙中廉

訪家聲舊他日重爲部下民
先生從子莊恪公管司泉浙江

舟中望惠泉山懷裕大將軍謙

惠泉山色聞天下不爲名山爲美人自昔中丞開幕府
盡驅脂粉出風塵將星悽絕鄞江月歌扇依然佛國春
畱得去思無繼響獨教吳語詈申申

陳曰畏子不敢刪詩所以錄大車
隻手障狂瀾其如狂瀾再倒何

童曰渾瀨流
轉神似老柱

野眺

雲外重山竹外村
袷衣野眺近黃昏
落花帶雨紅黏葉
古樹分陰綠到門
眼界已空無意識
月輪初上有微痕

烟嶼樓詩集十六

五

桃源流水渾難辨且看捕魚坐石根

咸豐三年十月將盡忽傳鄉人入寇城中戒嚴

六門晝閉於是紛紛遷避輿馬一空意緒無聊

作此示四弟子舟季弟石門竝示坐中馮午卿

邵又橋

城頭戍甲未全除
軍帖喧催子夜初
吠影無端狂眾犬

賦草誰爲養羣狙
廿年肉食難干策
滿地兵塵且著書

時余方作宋元四明
六志校勘記未就
席捲倉黃車馬盡
弟兄朋友尙吾廬

不知樂土更何地。江北江南寇已深。連日閉門忘世事。
頻年思亂識人心。蜚鴻回笑猶巢幕。倦鳥將棲尙擇林。
聖主中興能勞來。只今于野費哀吟。

王曰第四句沈痛語

宅邊柳 有序

咸豐五年三月余始居城西門外名之曰城西草堂
童丈莠君爲余篆題戶冊宅邊有高柳相傳不由人
植初時但見短枝數年遂成大樹樹下有泉適合吾
號此豈所謂因緣者耶賦詩紀之

高蔭吾廬美且清。依依似有故人情。何須對此成吾隱

烟岫樓詩集十六

六

便可隨時聽鳥鳴。門外未偷陶侃種。城西敢慕萬章名。
先生自號無心合。贏得人呼柳下生。

舊評朱述之曰五六實實是西門外柳實實是城西柳先生詩隸事雅切如此

范沁君同年 邦棧 母張太孺人輓詩

十年前記拂蠻箋。不腆陳辭溯母賢。剛擬八旬重致語。
豈知先歲忽生天。白頭門戶操心久。墨帳科名有子傳。
新卜草堂鄰孟里。巷歌消歇共淒然。

咸豐丙辰九月二十二日由光溪入南山訪陳

東生 德梧

光溪曲曲入雲鄉。秋色深深小雨涼。白飯青芻畱遠客。

碧梧翠竹見諸郎。滿山試問皆生計。避世今知有祕方。
廿五年來離別事。不嫌情話酒中長。
道光十二年與君同問字於綱齋王

陳曰桃花源記稱良田美池桑竹之屬人寰卽仙境不必求之世外也

二

阮修貧苦未成婚。我作王敦卻造門。
王先生孤子正爛年長未娶余謀諸
朱絳山倡其事。此一諾更無慙。祖德廿年同。此感師恩。
行亦爲之託鉢也
君大父逢吉翁。多陰德。君能不荒唐。營室猶徵債。寂寞
魏其家風是日以二十千付余
重泉早望孫。新賦小詩聊記事。好傳高義遍山村。

丁巳正月望後二日同秦菁泚運鈞何韻仙二

烟嶼樓詩集十六

七

孝廉馮午卿烏釀仙。余葦泚三秀才。宋蓮叔觀

察紹蔡李可稼廣文厚田范芾廬明經四弟子

舟遊月波寺

幾輩朋儕與弟昆。相將一笑上雲根。兩朝古蹟留師相。
寺在宋爲史越王之月波樓
在明爲余文敏公之五柳莊。十里春波到寺門。攀竹徑
穿沙印屐繞湖山。好樹遮村土牆亂砌題詩石。細認當年刻畫痕。

謝段鏡湖觀察光清惠荔枝時公子小湖司馬

詠 宦閩中由海舶新獻時果

久聞風骨是傾城。白玉紅紗入眼驚。曾爲色香疑舊譜。

始知鹽蜜累清名薦盤快洗先生醜拜惠同嘗孝子羹
今日分甘鈴閣下不才轉覺愧詩情

二

銀印緋衫對絳囊青天頌到蠻荒
浙中呼觀察爲段青天閩人因日公

子爲小海濱琪樹流膏露掌上虬珠傲雪霜坡老豈眞

官爲口白公自喜客同嘗紅塵一騎眞堪笑似箭鄞船

穩渡洋范石湖新荔枝詩云鄞船荔子如新摘又云越船飛來不作難紅塵一騎笑長安蓋是時石湖

方守四明亦以海船自閩中載至耳

豐年

草堂客至啟柴扉聞說鄉村稻正肥雨不爲災猶可喜

烟嶼樓詩集十六

八

人方憂亂況堪饑錢爭當十官無策農得餘三盜亦稀
但祝豐年歌

帝力繫懷塵事早知非

陳子相母王太孺人輓詩

板輿穩坐髮如絲隨意看花笑進卮四世生孫畱老眼
廿年養志有孤兒恐驚動履疏存問卻憶握衣拜歲時
先大夫與封翁爲執友余兄弟賀歲必拜太夫人近以太夫人病風不敢驚起居矣
新卜草堂鄰
孟里佐歡不腆獻盤匱

劉曰吾師樂道人善惟不輕以孝行許人而特稱陳丈之能養志蓋平日固有獨契者非同人云亦云

三

病無痛癢亦神仙老福開身自保年私願春輝長照地

豈知我佛忽生天奉觴未獻松風卷太夫人年八十時子相屬為壽序余

以入都不果來歲太夫人年九十思踐前諾又新得奚鐵生松萱圖將重裝為太夫人壽今皆成空言矣執

紉空歌薤露篇惆悵重三圖畫裏鮮民相對淚潸然道光

辛丑繪閏重三日聯句圖時六人皆以孤兒事老母庚戌十二月不肖兄弟首遭大故厥後王稽雲何韻仙烏

釀仙相繼罹終堂之戚圖中人惟子相尚為

人子嘗私為之慶幸不意太夫人復仙去矣

次韻和范雨生丈上綱八十自壽

范叔新詩紀八旬一時竝作有徐陳竝作命徐陳虞文

此詩故及之吾儕酬和聊乘興此老生平但率真冊載後重

周甲子十年前尚守庚申文善導引之術行之數十年甬東耆舊如

開社屈指應推第一人

宿陳魚門中翰政鑰家見洋燭長身細幹不翦

而明索得十挺賦此報謝

話雨西窗夜欲闌一枝長對玉珊珊固知材短消磨易

始信心粗洞照難旁映欲穿匡鼎壁高燒不掩孟嘗餐

故人索贈非無意聊當投書郢客看

陳曰隨處見道卻不落陳腐一派故佳

二

不翦拳煤到五更檢書起草眼常清玉堂已透紗窗影

金谷何勞綵爆聲同舍有人驚異物乞鄰笑我學微生

葉小峯同年時客余家見此驚喜分贈之甯王妖燭應相似莫太風狂夜不明

謝陳樹珊駕部政鍾送書

客歲吾廬下祝融圖書收拾去匆匆范盧已斷千秋望
范氏天一閣盧氏抱經樓諸書竝以前年寇亂散失殆盡湯鄭同歸一炬中 縣中湯
才溪上鄭簡香徵君兩家本以網羅遭劫火莫將呵護 耕吾懋
多藏書近來大半歸余處 問天公故人憐我平生志架上新來幸不空

二

卅年精力費居諸問祕搜奇十萬餘今我更無焦尾本
憑君重見案頭書癡心敢復圖恢復餓眼終當少積儲

烟嶼樓詩集十六

十

試過長文勞寄語還祇有約近何如
賊據郡時無賴攬竊吾家烟嶼樓書至江北岸為君從兄魚門中翰所收贖亂平相見嘗許見還雖復叢殘然而慰情聊勝無也故屬君一問之

有感

朝三暮四只欺狙今古人心大略如誰肯芸田真舍己
笑他緣木強求魚每每姑妄聽與誦育育而安召我居
欲慕孫蘇陽羨客谷風三復轉欷歔

烏曰浩浩者水育育者魚未有室家而安召我居管子引逸詩語也此全用之以對左氏於本事適合文章天成妙手得之信有是者

二

我友印須伐木聲馮驩為我費經營
謂馮驩出奇有計來

相閒受誑無端竟沮行里不擇仁焉得智道于謀室自
難成平生事事堪人告清夜捫心敢不平

起屋

劫後陳方謝越巫敢將夏屋望渠渠出居作室誰從爾
迨雨營巢尙悔予莫怪我真行我法自今吾亦愛吾廬
綢繆牖戶非容易瘖口曉音手拮据

烏曰怨而不
怒微婉可思

寄董覺軒

小築居樓蔽短垣前頭依舊是蔬園架書新有擘經說
戶冊堪題面圃軒甚欲招君於我館每因懷仲畏人言

烟嶼樓詩集十六

十一

碧梧未長難棲鳳萬里長空且翫鴛

烏曰深情直道
非唯詞令妙品

范雨生丈夫人仇孺人輓詩

陰雨同心五十春白頭如故敬如賓教孫教子劬勞德
何有何亡黽勉身曾祝破荒非妄語范氏先世夫婦多
老壽惟尙未有至
百歲者前年余爲丈八十壽序有
云將爲世壽范氏破期頤之天荒獨遠偕老亦傷神
既卒丈扁其帷
云未免神傷
童曰不落椿庭歲月深於海不見新衣勸著人

輓詩
策白

補題陳子相灑江送別圖

有序

子相大令以道光己亥捧檄至粵西明年春遽告歸

養其同僚聞小芬勳爲作灘江送別圖阮素堂

正惠

首倡二律一時宦其地者皆有次和同治丁卯子相
重裝成卷袖至草堂即用卷中倡和原韻補題其後
記曾浪跡入紅塵拙宦如君總是貧一片熱腸空負腹
半年冷眼忽抽身可憐瘠土無廉吏何況家山有老親
珍重舊時畱畫卷幾人相送到江濱

二

何人笑爾十分癡惜爾年華勸爾思卷中吳君和作有出處還宜子細思
之句蓋甚惜其去也宦海豈無飛渡客戲場終有下來時南陔養
志償初願歸來未幾奪甫西耕先生卒君以潔白養太夫人者至二十年西圃吟詩共

烟嶼樓詩集十六

十三

故知惟有蠹魚生相在老來還恨讀書遲君近繪四餘讀書圖余別有題句

贈陳樹珊

交到元方與季方我來下榻只尋常春風壓酒聯情話
舊雨關心是熱腸分業何嫌多子累消閒翻爲種花忙
支持門戶眞非易回首人琴已渺茫君兄景山蓮同卒已七年

二

故人慷慨爲君歌五十年華鬢未皤聊爾功名中外翰
君以議敘得中書科晚來知遇孝廉科同治乙丑歲浙中書後復就教職
戊鄉試君始與賢江湖薄宦家山近前年講選詩卷明書年已四十八矣

年客路多而後乃今莫之闕扶搖看與補蹉跎

步月山行投宿寶巖寺

雲山疊疊氣蕭蕭薄醉扶人過石橋萬壑秋聲風似雨
一天夜色月如潮到門院寂僧初定下榻房空鼠亦驕
明日芒鞋穿嶺去墓廬前更有禪寮由寶巖而入踰戴公嶺爲黃隩先義
行墓在焉墓東南爲旌義山莊山莊之前有金巖寺甚小

答李笙南運同

梓里今多八十翁幾人豐饒與君同江淮短簿三春夢
戎馬餘年一笑中老至作詩知入妙酒邊看劍忽生風
前余集東坡武昌詩帖爲聯得此十四字書以贈君今足成之何時把釣雙湖水指點
餘霞滿碧空

二

已拋世事隱湖村一片聰明是宿根扁鵲活人無定法
君精於醫學其法有迴非時手所能知者橐亦專門近以屋後隙地賃與賣花者爲園君時時指教之手排位置新堂構眼看科名到子孫又報庭
花交送喜賦詩先與忘年論今秋雙桐書屋中荷蘭俱有並蒂花君賦詩見示

烟嶼樓詩集卷十七

雨翻水碧或風落雨
勤徐時棟同叔稿

慈谿葉鴻年吉甫刊

五絕

大墩道中

行行出郭門清景足容與野花飛上衣風吹不能去

劉曰氣韻最近王孟又曰下二句與象微至為上容與二字添毫寫流連景色意入妙

二

夕陽滿芳草逢彼田舍翁何時記曾見遙語平疇中

童曰首五字似古樂府

烟嶼樓詩集十七

三

石橋孕石子宛似弓鞬小呼作鞋樣橋橋下梅花道石路

竝鑿梅花

烏曰質直平淡似易卻難

南山十景詩為陳東生作

大屏山烟雨

一幅烟雨圖持向屏風挂變變是奇觀畫師不能畫

紅巖返照

既雨晴亦佳返照落前町回首尋夕陽乃在紅巖頂

烏曰尋字佳

童曰確
是返照

曲水仙橋

誰爲鏡雲根驅來曲水村君看石梁上隱隱有鞭痕

鶴嶺松濤

樓外黃官嶺松風嶺上生夜來驚客夢誤聽是潮聲

阜巖瀑布

青山流不破終古只如斯倒作西江吸周郎絕妙辭周

押齋嘗作此題百字令有云焉得飛身上凌縹緲倒作西江吸真奇句也

菱湖秋月

秋月落菱湖湖月色如一但見是菱湖那復見秋月

烟岫樓詩集十七

二

妙智晚鐘

言尋妙智寺楓葉紅時候日暮僧歸來鐘聲落衣袖

溜巖冰柱

八萬四千戶同修廣寒府一戶在南山溜巖採冰柱

陳曰奇
想天開

鳥曰舍人詩往往奇想忽生爲他人百思所不到定是君身有仙骨世人那得知其故

童曰是從
柱字想出

鵝峯積雪

仙子愛鵝峯騎鶴下天半欹斜飛白書攜到南山換

陳曰此則
奇之又奇

童曰二詩人賞其
奇我獨愛其切

紫雲古亭

有人衣紫雲自言是山靈索我南山什畱詩山上亭

周曰鄉村譜牒每有十景八景詩白茅黃葦閣之令人思睡東生家修譜時亦沿俗尚而舍人此作寥寥數言迥出蹊徑之外正如客店中滿壁塗抹忽觀仙子畱題令人歎賞不置可知雖壽序挽歌亦當自有傳作正不必咎題目之不佳耳

柳汀雅集賦四明窗

太守得山趣錫汝以嘉名我聞古有說惟公乃生明

柳汀雅集賦桃花隄

昔日湖隄上桃花歲歲春至今泛湖者空說種花人

烟嶼樓詩集十七

三

采桑曲

日出采桑去歸來當斜陽野蠶不成繭還食儂家桑

舊評徐遠香曰怨而不怒如讀風騷郭曰樂府之遺

七絕上

童曰卷中雜詠及游杭集中絕句數十首摹寫盡情不失風人之旨辛丑以後平遠蘊藉不露才氣卻仍不失本色至丁巳後諸作則脫口而出漸臻化境矣

柳汀雅集賦柳汀柳枝詞

萬條垂下綠絲絲似翦春風翦出時賀監祠堂在汀上

勸郎莫唱柳枝詞

童曰用兩翦
字便有姿態

二

壓水憧憧兩岸橫
汀東橋曰東憧憧
西橋曰西憧憧
水雲亭子暮雲平
柳絲繫得雙橋住
恰放郎船不住行

三

水邊新日見樓臺
枝短枝長無數栽
深柳堂前湖水綠
好聽童子讀書來
先義行於汀上建柳汀書院程朗岑
師扁曰深柳讀書堂堂上建高閣祀
文昌堂前
補植楊柳

同作

徐元第

春風翦綠挂新枝
眾樂亭前二月時
最是鄉音攪人

烟嶼樓詩集十七

四

耳踏青爭唱賀公詞

二

楊柳依依弄晚晴
湖光畫出別離情
憧憧橋過重回
首人倚斜陽一笛橫

三

柳影湖光一色同
亭邊輕颺落花風
寄言行客不須
折畱贈詩人出甬東
時柳泉將讀書
縣東崇本書院

同作

徐時樑

春風二月綠年年
莫道行人折取便
畱得陰陰倒垂
下湖邊好繫釣魚船

二

柳汀汀外湖水肥柳汀汀上楊花飛年來又是清明

候放學兒童攀折歸

汀上有先府君所建柳汀義學

讀桃花源記同遠香子舟

歷誌歸途矢勿諛豈真迷卻舊桃源漁郎自記來時路
太守前頭不肯言

二

雞犬桑麻隱士居桃源何必異吾廬癡心欲向漁郎問
恐有秦人未火書

三

烟嶼樓詩集十七

五

俗人不到是仙鄉縱問津來亦兩忘多少癡人疑幻境
不知此境即柴桑

同作

徐元第

茫茫身世急還轅愛引壺觴日涉園除是先生五柳
宅人間那復有桃源

二

解組歸來避世喧胸中時幻一桃源先生深意開端
露珍重編年晉太原

同作

徐時樾

仙人洞口亦紅塵款款行來二月春流水桃花產肥

鰈漁郎曾否此垂綸

桃花源裏縱新奇
幸得來遊亦暫時
曷不委心任畱
去歸途處處誌何爲

三

縱然絕境隔塵寰也
只依稀在此山那有路迷尋不
得柴門雖設自常關

柳汀雅集賦月湖欸乃曲 有書後

湖水湖船兩有因
陸郎古調唱湖濱
歌成一曲白雲落
橋上人看湖上人

烟嵐樓詩集十七

六

小船平底篾篷圓
島嶼彎環任意穿
只有儂家槳頭好
月湖何處覓划船

三

尙書池沼畫圖開
亂石房櫳水竹栽
四季好花開不斷
拗花園裏拗花來

四

南種湘雲北種烟
琅玕小嶼水如天
史家別業謝家廟
竹下鸕鷀飛上船

五

趙家牆外有梅花無數樓臺曲曲遮錦里橋前古烟嶼
書聲燈火是誰家

六

柳絲如雨月如弓眾樂亭西館驛東撐遍柳汀汀外路
憧憧橋過又憧憧

七

水葫蘆小小如拳水鴨花花只愛眠到信天緣堂外過
一雙飛出信天緣朱新仲舍人信天緣堂在湖上其自作堂記甚佳鮑民搜瀾山集遺文未之及也

八

烟嶼樓詩集十七

七

紅蓮閣外紅蓮生偃月隄邊秋月橫釀得十洲春滿甕
酒樓夜夜輓轆聲

九

爲郎道古笑顏開話柄風流莫浪猜若遇惱人有春色
夜深郎勿過湖來

十

菱芡風來陣陣鮮湖頭多種礙行船使君若道月湖好
莫被人家占作田此在宋時猶不過如此今則湖旁拓地造屋無過問者若以嘉定丈尺圖核之湖小於舊十四五矣

劉曰吾師畱心水利意興所至自然流露讀此章及
游杭集中湖好原因水利開一絕皆慨乎言之得古

人竹枝
遺意

同作

徐時樾

月湖湖景比西冷只欠孤山半點青唱得浪淘沙一

曲阿誰斜倚小樓聽

二

生涯落拓侶魚蝦看徧洲花又嶼花

湖上十洲以花名者有花嶼及芙蓉洲

湖上而今誰管領四時風景屬漁家

三

檣頭船小坐來輕月到湖心分外明撐過嬾堂水西

路夜深猶有讀書聲

四

烟嶼樓詩集十七

八

網得湖鮮醉酒時阿儂喫底老漁師釣竿收拾人歸
去冷落前汀月不知

舊作此詩凡四十首稿久失去此從同課友鮑笠山
烈錄本中錄出者其錄本亦復叢殘故僅得四之一

而子舟詩四章亦與存焉十洲之名創自宋人至今

已不可問全謝山太史卽宋人十洲詩以核今地作

十洲志載鮑埼集中而由余考之其所謂中央四洲
東西各三洲者是也至其確指洲名如花嶼月島之

屬驗之劉王題詠往往錯誤前因作欸乃曲頗爲考

訂是正詳注所據於詩尾今皆亡失不復記憶特詩
之有無無足輕重而島嶼名目頗關掌故他日當重
繙諸公詩什別爲考據而先附識鄙見於此同治四
年十一月二夕書

居鄉雜詩

有書後

山影匆匆待我忙暮雲奔走晚風狂野花柔軟眞如褥
打麥聲中坐夕陽

我亦猶人未是仙風吹衫袖意飄然落花轉水渾無賴
又是人家放鴨天

烟嶼樓詩集十七

九

三
老農洗足話溪東閣閣蛙聲淡淡風閑煞牧童牛背上
滿頭斜插種田紅

四
袷衣新試麥秋初冒雨人來叩野廬今日索居翻不寂
臨風三坼故人書

五

隱隱青山雨後新模糊有客到溪濱多時未敢關門去
或恐前來是故人

道光丁酉讀書大墩故里之崇本書院離羣索居每

事吟詠四五月中得詩百數十首名居鄉集質之吾
師馮柳東先生先生謂多似竹枝土音亦與四明四
友相近至今將三十年此集不知去向一日過海會
寺見僧寮懸鎮海吳韻樓題所書立幅諦視之則七
絕一章卽余居鄉集中句也既又得四章於人參店
門屏中當時搖頭感頰亦費經營而僅僅畱此殊可
笑也同治乙丑十一月二夕書

拜岳鄂王墓

二章
錄一

湖上騎驢亦偶然古來大將幾歸田丈夫死國尋常事
可惜英雄正壯年

烟岫樓詩集十七

十

董曰沈痛之語爲古人所未道余亦有一絕云河山
恢復才黃金北望中原遺恨深若待功成始烹狗英
雄泉下亦甘心
大旨與此同也

鴻年案凡已刻遊杭集者竝刪去之惟此詩董評
中附有己作無可附見故復錄先生原詩於此

寶巖探梅同遠香子舟

梅花明月寶巖中身世因緣早悟空鑪雪化梅梅化雪
至今還憶戴菴翁

明季菴翁披緇寶巖寺中卽所謂
鑪雪和尚者也第三句用鑪雪語

二

竟忘遺民老此村寒梅誰與賦招魂祇餘和淚看花句

剩水殘山故國恩

十里梅花爲寶巖勝境故明季諸遺
老多寶巖探梅之作特戴菴翁以遺

紳削髮住此不媿殷頑而諸老
絕無與之倡和者是可怪也

著展游山晚歲緣花開時節記畱連可憐寒碧坊前路
冷落梅花已十年

先義行晚歲好游錫山食息寶巖寺中早春花時尤多還往

同作

徐元第

壓水溪橋曲曲遮竹籬茅舍訪山家東風消息知來

未寒碧坊開第一花

二

山意衝寒欲雪天梅花依舊小溪邊故人老去空流

水回首聯吟已廿年

憶王綱齋

三

烟嶼樓詩集十七

十一

曾記前番此地過梅香禪味助吟哦東風也解相思
苦老樹著花今不多

同作

徐時樑

騎驢踏雪入松關莫道梅花信息慳且向此中人問

路小溪深處是何山

用蘇玉局句

二

暗香疏影水之涯春事詩情一路賒但得寶巖山上

住不妨回首失梅花

李裕寶巖看梅有暮烟生谷口回首失梅花之句

三

記否梅香十里濃菴翁花日笑扶筇而今不識梅千

樹十五峯頭第幾峯

戴芑翁住寶巖喜山中
有梅千樹作梅花詩

柳汀雅集賦蠶詞

夜來攪睡惱人多知是誰家盡夜歌待采桑時問鄰媪
恰纔相見又言他

舊評徐遠香曰此詩人怒而不怒之旨也即詩論詩
亦所謂不著一字儘得風流者三十首中別開一境
可以風矣

周曰此柳汀雅集題也是時舍人凡作三十首自育
種以至紡絲歷歷譜出竹枝土風已括蠶書之全惜
亂後盡失其稿此詩得之遠香詩稿中遠香與余皆
雅集中人也余猶記舍人一二斷句如曰寒食清明
都過了家家門首畫彎弓女伴分釵不知法半空亂
擲衣好驚蠶滿山雪白郎知否箇箇勻圓是妾心刺去
繭衣好收拾冬來要暖白頭人天氣清和新囊繭一
層桐葉一層鹽寄語洛陽遊冶子著絲容易做絲難
皆不得其全矣

烟嶼樓詩集十七

十一

內人買得送別圖乞余題詩其上

自從輾轉風波起朋輩相逢戒賦詩卻笑山妻持畫本
爲余吮筆強題之

二

繫棹前溪草色春妻帑送別寫如真倚門樵髻應知是
口詠頭皮斷送人

烏曰攻媿先生有詩云久之不動方知是一搭溼雲
寒不飛以二句作一句極歎其工妙今讀此詩覺前
輩典型正自不遠

董阮山極賞余草書戲贈

我作草書以意造快如蠶食轉如環自來不滿凡夫意
第一知音董阮山

雲扉老矣令其二子分主一肆而已往來其閒
孫寄廬有作雲扉索和卽次孫韻

心遠何妨地亦偏等閒不管只高眠應知白髮相思意
無限深情在柳邊戲用玉茗詞

二

特地徵詩意趣偏因君索句廢朝眠不知收拾新篇後
此稿更藏何處邊

庚子八月二十日遊西湖拜蒼翁墓

烟岫樓詩集十七

七三

南屏山上樹蕭蕭山徑縱橫草未凋賣酒村姬指迷路
蓬頭墟畔話前朝

鳥曰高格

二

當年神道已模糊新看穹碑壯聖湖欲向碑陰鐫丈尺
千秋甯得墓前圖公墓遠在南屏鄞人不能防護近頗有侵佔墓地者余擬集同人清理之而卽記四至入到於新立全碑之後

憶畫

秋水迢迢信息無美人西去尙愁尋畫師別畫人閒色
一樣胭脂總不如

清明後十日將至錫山掃先大人墓稽雲見過
遂與同行卽景有作因以奉貽

我將放棹晤王猷去去看山抵小遊斜日昏黃誰弄笛
滿湖春水一扁舟

二

殘星帶曉樹蒼茫古寺雲封嶺路旁水北叩門僧語出
滿山松露溼衣裳

陸曰滿山松

露好句欲仙

劉曰寫曉景

幽澹絕倫

三

烟嶼樓詩集十七

十四

澄波十里不生塵山外東風解送人醉卧船頭看明月
疑君子晉是前身

呈馮太史師

拜清連日出蓬廬未謁門牆問起居春滿絳帷花滿座
康成近注是何書

二

古甄新得自山農可在先生著錄中絕好麻紋無款識
定應後輩視咸通先生著浙江甄錄前余以咸通四年甄告之今所得者似是六朝物當更

出其上也

三

收拾遺文要別裁。軼時時見眼驚開。不知舊學商量密。
又讀奇書幾部來。先生方與余同校補朱氏逸經考

四

暮春連月雨絲絲。忽放新晴不恨遲。如此風光天有意。
閏重三日可無詩。

飲陳氏既醉洪君以詩卷見示對客展卷飛筆
塗竄醒而忘之明日有告者賦此謝洪君

示我新詩數百篇。醉中飛筆醒茫然。劉郎恃酒今慚媿。
不待咨嗟後卅年。劉禹錫塗竄牛僧孺文後三十年始以詩謝事見雲溪友議中莫嫌恃酒輕言語牛詩也追思往事咨嗟久劉詩也

烟嶼樓詩集十七

十五

烏曰使事
巧合如此

上虞章小郭汾以其母墓圖索題

迢遶慈雲隔故關。青衫作客淚痕斑。畫圖手記行營處。
河水前頭淡竹山。

宋時臨安人以黜卷幕酒故知稼翁集中進士
入試詩云要令庾語題壺白莫把元文覆醬瓿
是也近則湖州人盡購之去以糊蠶山謂得此
則蠶不壞甲辰省試下第戲作

殘緒抽完力已微。樣花不上巧工機。死絲尙護春蠶箔。
卻看他人作嫁衣。

烏曰心思彎折正
似蟻穿九曲珠也

二

饞口流涎向麴車白壘那及醬瓿嘉何人輕改前朝例
未許相從到酒家

暮入寶巖寺

昏黃辨徑入僧家人語微驚宿樹鴉不是清香徐到鼻
幾忘山路盡梅花

劉曰寫晚

景入妙

童曰與蘇子人影在地

仰見明月一樣入妙

杭州書所見

烟岫樓詩集十七

六

姑妄言之姑妄聽聘錢百萬迓雲軒那知客路新秋夜
親見牽牛織女星

山行

行笈前挑赤腳奴籃輿高坐兩肩扶過橋又入村中去
一幅鍾馗徙宅圖

悼亡

老母拮家力漸微那堪白髮重獻欷手頭鍼線心頭淚
爲爾親縫小女衣

二

更從何處說情深短榻閒愁淡未禁歡笑不知人已去

五更憶夢最傷心

童曰哀痛而有體是深
於情而不溺於情者

烟嶼樓詩集卷十七

男隆壽平甫校字

烟嶼樓詩集十七

七

烟嶼樓詩集卷十七

男隆壽平甫校字

童曰哀痛而有體是深
於情而不溺於情者

烟嶼樓詩集卷十八

鄞 徐時棟定宇稿

慈谿葉鴻年 原名 維祺 刊

七絕下

荏平旅舍

水邊枯樹夕陽明。收拾濃陰又作晴。多日不嘗南郡酒。春風馬背到荏平。

二

大令風流最擅場。閒來卻憶少年狂。酒家新約三章法。不許花前蝶使忙。

烟嶼樓詩集十八

三

野草閑花客路多。不妨醉裏聽清歌。潯陽老大猶遮面。似爾琵琶可奈何。

童曰 趣語

飛沙

飛沙撲面凍人行。路似鄉愁總不平。驅馬度河天欲雪。僕夫遙指古邳城。

訪鈕竹君同年 承筠 時以迴避不得與。試意頗

悵然歸寓有作。卽紀時事

避親空自上燕臺。猶勝雍熙下第回。

聖主無私

家法在尚書還乞別頭來丁未會試以山東孔慶瑚為同考官於是孔氏宗族迴避者數十人禮部尚書祝慶蕃以為言請舉行別試迴避之制上問國家原有此例其後因何停止慶蕃對乾隆閒某科有宰相子孫迴避者上曰今年非亦有宰相僚與有私昵乃停此制水燕談稱宋真宗令舉子有避親者牒送別頭考校蓋試迴避之例實昉於此時

新市

師姑橋外放船去八十八里新市來兩岸蟬聲啼到耳
午風吹滿一帆開

張丈芝雲 積粹 挽詩

烟岷樓詩集十八

二

廣文獨冷猶辭組棋局雖閒且閉門已忘聲名在
人世卻看科第到兒孫

二

一昨逢公神灑灑廿年重見鬢蕭蕭
青山大隱知相識大喜讀葬經時為人相慕老輩無多忍更凋
王丈雲壁挽宋丈爽嵐句

楊丈稼船 益寶 挽詩

佛壽本來無短折已過八十九年華
清修行如何是辛苦艱難手起家

王丈筠叟 日升 挽詩

壯歲揮毫驚客座晚年隨意得神源
何人更續書家傳

蛟水聲名接湛園

何韻仙母蕭孺人挽詩

自從玉樹一枝折。子舍嗟啼不忍聞。今日氤氳迷望眼。階蘭何處不慈雲。

周廉泉母李太孺人挽詩

昔其文郎北邸塵。客衣慈綫一時新。歸來不及三年事。腸斷孤兒盡鮮民。

妹夫葛崧生蕃母盧恭人挽詩

嗚咽寒潮夜不鳴。敲殘臘鼓逐蓉旌。茱蘭欲獻卮匱冷。空聽鍾離慟哭聲。

烟嶼樓詩集十八

三

舟行小江湖

過雨輕雲夕照天。人家次第起炊烟。滿湖秋水兩隄樹。無數蜻蜓飛上船。

劉曰此詩及新市等作皆以神韻勝吾師詩格真覺無所不有

贈奉化鄔翁

剡上新成安樂窩。八年前記一經過。睽違杖履憑詩問。白髮康虔近若何。

二

艱難險阻大其門。八十年華里黨尊。已看科名娛眼底。要畱陰德與兒孫。

童子爲遊蜂所螫啼甚急忽一客來以指書馬
字其上但四足自內而外耳寫畢啼止馬與蜂
何涉乃去毒神速如此真物理相感之不可解
者因念司馬文正公拊庭樹遇蠱螫召祝師畫
符而愈焉知非卽書馬字乎詩以記之
客來書馬與尾五頃刻遨嬉號泣童卻笑東坡無此法
但題團扇悅康公

大儒捧手正吟呼也信神奇召畫符妙祕想當聊爾耳
祝師應是謊迂夫

烟嶼樓詩集十八

四

有以殘本江西宗派圖求售者題東萊呂祖謙
撰甚可笑也題詩其上正之

紹興初歲呂東萊收拾同聲有別裁何與明招老學究
強伊輟講入圖來文清所作春秋集解紫薇雜說今皆以爲成公作矣而此書又題成公又其所著詩文曰東萊集焉知後人又不幸所著書爲人竄奪殆盡戲謂居仁幸得佳子弟又不幸所著書爲人竄奪殆盡可恨也

劉曰妙語解頤眉山風調

二

文清公是右丞子卻是成公祖父行三世東萊風節著
亂人系本太猖狂文清名本中字居仁爲尙書右丞好問伯子著作甚富宗派圖其一也成

公爲右丞曾孫學者稱文清爲東萊先生先於成公而
文清作紫微詩話稱其父亦曰東萊公則以右丞封東
萊侯故耳三世並曰東萊宜後人之炫於見聞也賈人
耳食欺人但知題成公易於求售不知文清聲名何嘗
減成
公耶

贈樓小淵

作婿它山二十年一時襟襖盡翩然蘭江水漲春波綠
記否同尋載酒船

二

荏苒光陰忽五旬好山好水著閒身轆轤不斷中山綆
何必義皇以上人

葛菴君明府

惟辰

挽詩

烟嶼樓詩集十八

五

連絲愛患足酸心未老年華白髮侵腸斷合原風雨惡
又揩枯淚悵人琴

汪崧蓀承德

商賢

挽詩

記曾杯酒話宵分不道風流散似雲猶有木犀花兩樹
月明香滿定思君

君在杭州爲余
買木犀兩株

紀夢

有序

夜來夢遊郊野閒緩步徐吟若得新句忽見石上坐
三老人顧余微笑俄一老人高誦曰憑君吟盡詩千
首不敵琅嬛數卷書夢中深自媿謝卽復賦詩報之
有平生有願如此水會當讀盡琅嬛書之句遂相與

歡笑而別醒而異之作此以記

搜盡枯腸撚斷髭每憐下筆略無奇詩成只可自怡悅
況我曾無干首詩

二

天上曾聞四庫儲借畱有志願終虛邇來已醒黃梁夢
何日重窺祕府書

三

議論商量要入微但聞是是非非未曾相識勞相諷
如此高風世上稀

四

烟嶼樓詩集十八

六

五萬藏書未足貧尙憐徧讀少閒身空言且訂琅嬛約
辜負深情數老人

見染髮者戲贈

近來應怕少年輕購得新方事後生恰憶哥奴曾媚女
勸郎甘露試嘗羹

不久星星兩鬢多何郎早已賦新歌面如黛墨髮如玉
似此良人可奈何

三

懋先博物善旁搜昨夜新塗今白頭容易有方消蠟點

拔毛但恐使君愁

染方雖妙總難言拔本應知是塞源忽記左思曾有賦
恐他瞋目欲呼冤

周曰每讀白髮賦不覺失笑
今復誦此更令人絕倒也

蘭孫

蘭花開後榦猶存未忍刪除尚在盆今日山妻喜相告
數枝濃綠已生孫

贈洪張伯同年 昌燕 有序

道光癸卯南海羅侍郎師視學浙中舉優貢六人張

烟樓詩集十八

七

伯第一而余次之其四人則沈玉士 熙齡 章采南 崑

諸葛榴生 壽燾 金翰皋 鶴清 也其後翰皋中乙巳榜

眼采南中咸豐壬子狀元張伯中丙辰探花六人之

中而鼎甲具焉丁巳夏張伯來四明將行賦二詩贈

之非徒充太史行囊亦欲以志浙中佳話也

良工心苦選青錢臚唱蟬聯十二年自昔六人誰第一

果然衣鉢到君邊 南海師中道
光壬午探花

二

後先持尺竝量才 翰皋以丙午典試貴州
采南以乙卯典試四川 玉署仙班例

早開記取來年秋色到第三人又下蓬萊

周曰僅僅六人而鼎甲備焉真古今未有盛事而戊午之秋洪侍御果典試河南於是舍人此詩又爲後來佳話矣

咸豐九年醉司命日新得朱竹垞太史在杭州

贈鄭寒村太守詩墨蹟喜而不寐賦此記之

醉司命唱竹翁詞正是蓬門客到時自喜歲除添眼福

乍看朱十老年詩詩末自署年七十有九名下私印云朱彝尊老年詩按是年寒村先生年

七十有一實康熙四十六年歲在丁亥也

二

誰言文士意相輕好景難忘是曉行別久重逢更三復

愛才想見古人情竹翁詩落句云別久重逢轉傾倒七言三復曉行詩自注云太守詩野水

烟嶼樓詩集十八

八

無橋驅馬度曉星如月照人行賦景最工

三

風流好事有元孫跋語題詩細細論寒村元孫簡香徵君嘗乞人題和冊

中有蔣樗庵學鏞梁山舟同書跋阮文達元秦小峴瀛翁草谿方綱謝蘇潭啟昆錢魯斯伯珂茹古香茶和韻

詩何物狂生不知量也持布鼓向雷門其後徵君子杏卿明經復乞和

詩惟吾馮柳東師一詩無慚前輩耳餘皆惡札可棄去

四

鄭虔孫子老寒儒貧到今年錐也無二百年來畱翰墨

至今惟有石中圖徵君嘗寫二老小影爲重逢圖鈎摹刻石嵌二老堂壁樗庵爲記而山舟

書之今惟此石尙在其家圖本亦久歸他人有矣

劉曰四詩感今念古無限深情吾師生平
鄭重於鄉國人文故家喬木者卽此可見

簡子相

山中新搭一閒屋我與雲分各半閒昨日雲行去爲雨
被風催促不能閒

豈知二首戲贈子相 有序

王君雲于刻其先人荀石先生願學堂詩集子相爲
校定而余序之既錄序付子相子相私易序中一二
字既而自以爲不可提燈冒雪來草堂相商權戲和
願學集中豈知詩簡子相

壇坵空空六百春 延祐大德閒清容先生古文名天下斯文一脈尙清真

烟岫樓詩集十八

九

豈知廿載知音客也作焚琴煮鶴人

二

良友情深一字師夜來風雪共論之豈知座有烏春草
謂釀 仙 冷笑譏君已三思

以南馬樂樂府示子相

抄來樂府是新篇知子相 平 看一悵然今日營中無匹
馬我歌還溯太平年

山行

隱隱前山打晚鍾寺樓都被白雲封溪邊野碓無人管
流水聲中帶月春

侍兒

侍兒初到草堂日，春雨連絲正十分。便擬小名新賜與，莫教錯認比朝雲。

姬人

閒話天文坐小庭，雛姬嬌慣也同聽。夜闌笑指銀河畔，認得牽牛織女星。

我已新沾兩鬢霜，問年汝可入孫行。無端斂衽稱門下，笑別書燈問字忙。

三

烟磯樓詩集十八

十

每唱清歌側耳聽，倚闌紅袖睡魔醒。如何把卷來相問，不誦唐詩誦佛經。

四

本來生性未豪奢，解識憐貧念不差。私檢衣裳贈鄰女，固應鮑叔是卿家。

周家村卽景

水車聲急轉橫塘，太息耕牛日日忙。村後村前一夜雨，又拖碌碡碾黃梁。

鄉村野景足夷猶，斜日歸來溪水頭。指點寓廬何處是，

半園修竹卻遮樓

三

碧琉璃水稻花香已了耕耘慰雨暘羅傘彩旗齊出巷
滿村簫鼓賽龍王

四

濂溪開帳授諸生時周志柳授徒於其廊舍東西列座
祠堂與寓廬最近盈長日小年無一事科頭來聽讀書聲

讀唐史有感

突厥便橋請受盟和戎議定罷戈兵可汗朝拜新天子
咫尺天威膽已驚

二

吐蕃回紇正魚然稱帝稱王盜賊騎括富商錢稅閒架
不知何補建中朝

三

度支贏紕判王涯奇貨原知卽厲階茶樹童童茶價長
又增茶稅到江淮

烏曰獎實既開有增無
減真千古所同慨者

四

潢池赤子乍稱雄北守南援計亦窮此輩本來無大志
盡移金帛范陽中

五

入告君王殺賊頻賊來依舊只如新漫論諸將功多少
已有從旁奏狀人謂昌黎

六

靈寶無功六馭行佞臣誅後見昇平肅宗皇帝中興日
回鵲輸誠願助兵

七

洞天福地古稱幽纔被腥汗草木愁裘甫成擒王郢死
盜竽何事犯明州

八

烟岫樓詩集十八

十一

墟莽鄉村半死亡可憐吳越慘兵荒誰知無賴租庸使
豪吏東西白著忙

郭曰詩中有眼故與鐵體浪使才情者不同

懷章采南同年時方視學閩中

羨我閒雲不出山著書歲月任漫漫自憐西粵皇華客
到處風波道路難今春君以省親假歸過草堂為言去秋典試粵西道中屢遇寇警

二

為觀雙親到甬東又持使節入閩中新來相憶成相如
三百堆盤荔子紅

芭蕉

移種芭蕉自暮春一枝枝展綠旗新秋來到耳雨聲急
便是風聲也可人

病後讀雨村詩話

手剔孤燈坐夜深每逢佳句一低吟不妨掩卷都忘卻
病後看書怕用心

二

熙朝詩老萃雍乾漢魏三唐各本原太息此君才力薄
一生低首只隨園

郭曰吳仲倫師有句云我獨心欽姚惜抱拜袁揖趙
讓前賢又記庚申歲從友人處見戚鶴泉廣文手評
小倉山房詩塗抹滿紙亂後不知流落何所蓋先
輩並以隨園爲野狐禪最易惑人雨村其不免乎

烟嶼樓詩集十八

十三

桐葉

沈寥天氣雁南飛萬木凋零百卉腓纔覺秋來先脫去
小園桐葉最知幾

劉曰託興深
遠詠物上乘

爲兒子隆道書小幅旣成有作

阿咸連日到城西乞我行書買赫蹏不似庾家諸子弟
愛求野雉厭家雞

鄭蓮卿

考

生母包夫人五十壽詩

鉅細紛紜一力肩齊心處室更懼然只今同拜

恩榮詔勞苦措家已卅年

世澤詩書帶草肥。頻年蘭夢接芳馭。杖家笑聽雲和曲。春色循陔滿綵衣。

送葉蒞田之蕃司教雲和

昔賦新詩贈宦遊。而今君又買扁舟。慈西二十年。中事

兩送鄉人到處州。道光己酉余與吾鄞葉雪窗學熾同客慈西葉小峯家會雪窗得雲和教諭以詩送之今君復秉鐸是邑丁卯四月將赴任聞余在葉安甫家特來話別距送雪窗時十九年矣安甫小峯之弟而君之族弟也君亦慈西人

一官一集一姬人。俗語丹青有宿因。吾鄉諺語云做一任教刻一冊稿聚

一個小小看徧括蒼好山色。一囊佳句一時新。烟嶼樓詩集十八

我豈堪登著作堂。君家昆季嗜痴忙。韓潮蘇海談何易。情重新篇是倚裝。君族弟吉甫刻余詩集君臨行作題詞四章有韓潮蘇海大文章此日誰登著作堂之句

水聲山影冷衙中。畫意詩心悟化工。料得箬溪諸弟子。自今日日坐春風。

草堂秋興

玉簪茉莉白於雪。海豆花黃雞冠紅。種老少年滿階砌。

四

綠衣戲綵舞西風

二

金。鐙。籠。草。如。籠。燭。石。竹。花。開。似。翦。羅。日。對。秋。蘭。渾。不。覺。
客。來。都。詫。異。香。多。

三

海。棠。嬌。嫩。受。人。憐。蓼。作。疏。花。特。地。閒。不。是。偏。心。愛。秋。色。
秋。風。解。識。駐。紅。顏。

日本人安嬾翁

老山

仿米海嶽畫夏山欲雨圖

見貽遂乞贈詩賦此答之并送其行

山。色。濛。濛。島。嶼。連。海。天。中。有。米。家。船。此。來。看。徧。蒼。茫。景。

烟嶼樓詩集十八

五

爲我圖成到眼前

二

豈。有。文。章。海。外。知。遠。將。畫。本。易。新。詩。畫。師。自。昔。多。詩。老。
我。欲。看。君。一。和。之。

三

小。住。明。州。又。戒。途。短。歌。三。疊。當。驪。駒。布。帆。無。恙。歸。舟。穩。
定。寫。天。山。海。日。圖。

烟嶼樓詩集卷十八

男隆壽平甫校字

游杭合集

同治四年春正月

老友陳勳題



同治三年甲子歲
城西草堂重雕本

遊杭合集原序

我杭之有西湖天下景也五方遊士駢集能者各賦詩
以去自來名作多矣所言各不同皆視其性情而出東
坡所謂淺深隨所得也吾友徐柳泉生山水之鄉優遊
家巷四明第九洞天二百八十峯時在几案一日偕同
舍生徐遠香遊西泠樂甚各得詩若干首爲一卷而屬
余定之夫二子居同里出同遊其志趣相近故其詩若
笙簧之迭奏也若松柏之並悅也凡響悉屏靈機轉深
使未至西湖者讀之恍置身六橋三竺閒徘徊不忍去
況以余之熟遊斯地乎顧自來甬東水光山滌相別幾
十年所故鄉友朋之樂江湖鷗鷺之盟讀是詩而不禁
夢寐依之乃始歎二子之能移我情而前此之所得爲
尙淺已於是乎書數語歸之道光戊戌五月由拳舊史
官馮登府序

遊杭合集原序

重刻遊杭合集序

道光丁酉余同徐君遠香赴省試遊覽湖山各爲韻語
明年合正於吾師馮雲伯先生先生爲論次而序之既
付削氏遭亂板燬而印本尙有存者回憶舊事逮今將
三十年少時遊戲之作有無聽之可已顧念先師之評
論亡友之諷詠不容沒也且遠香之詩幽雅新秀亟爲
吾師所賞而所謂畱烟稿者遠香自言來吾家烟嶼樓始畱詩稿故名畱烟稿
其子楚亭明經付余藏弄而失之祝回則是區區者尤
不容沒也抑又可念者己亥客杭州嘗寄邵又橋札云
前年遊杭成集此行則西子湖頭裹足未到惟舟泊百

重刻遊杭合集序

一

官渡口有句云客篷小泊蘆花雨賣酒船從別港來得
此十四字差足告知己蓋相去一二年遊興已不同如
此是後屢渡錢江在省或數月或數日常常無詩有亦
不過一二篇至庚戌遭大故絕意進取閉門不出矣嗟
乎窮名勝則可以忘歸撫慈線則自悔浪跡此集之卒
所謂客遊雖云樂無事敢輕出者也庸詎知一爲鮮民
并此有方之遊不能再得然則前塵如夢雪泥鴻爪亦
竟不容遽聽其浮沈也重刻既竟漫書卷端同治四年
乙丑一月徐時棟同叔甫書於城西草堂

遊杭合集題詞

絳山朱祺本名立淇

收拾江湖勝全歸一卷中名山都歷歷游事尙匆匆薄
醉發秋興和歌來古風無緣同把臂題句未能工

雲屏鍾世俊

落拓征衫滿酒痕湖光收拾到吟尊倚樓笛弄紫雲曲
立馬碑看紅樹村十里烟波迎畫舫六橋風月醉詩魂
遙知客邸錢唐夜秋雨寒燈細細論

二

雲龍才調各縱橫讀罷新詩老眼驚巖岫飛來猶帶墨

遊杭合集題詞

山川奇極總沽名

讀此集至柳泉游靈隱詩好境招人
來山川亦沽名不覺擊節而遠香和

柳泉飛來峯詩實爲勃敵其落句云玲瓏巖岫忽飛來至今蒼蒼猶帶墨花舞還因一卷同聲

什卻憶三年浪跡情笑我曾遊無好句雪泥鴻爪不分

明

寄廬孫景烈

高詠真同調行踪記武林得來山水趣都付短長吟風
月暢懷抱江關話古今是予舊遊地展卷恍重尋

阮山董攸

咳唾風生絕點塵嶺梅溪竹認前身當年元白遙酬唱

何似湖山把臂人

又橋邵錦泉

去歲秋光好錢唐歷覽時同爲四句客獨見兩君詩名
勝如重到湖山宛在斯北游多古蹟恨我不能詞

戊戌季夏

歸自京師時兩君
新刻此集方成

子舟徐時樑

匆匆四十日句畱贏得新詩紀勝游三竺六橋都在眼
全勝約畧說杭州

重刻遊杭合集題詞

釀仙烏世耀

少時酬唱並稱雄畢竟工同曲不同惆悵故人今絕響

遊杭合集題詞

城西獨步老詩翁

二

畱烟稿外僅畱來珍重良朋劫後灰要使名畱同不朽

千秋高誼感泉臺

子相陳勳

鬼唱秋墳宿草芊一編遺稿不畱煙雪泥鴻爪西泠路
回首前塵已卅年

二

良友詩壇眞敵手錦囊收盡好湖山一生一死交情見

重把殘編仔細刪

覺軒董沛

錢唐名勝地我亦賦詩徠潮氣蒸衣袂山光落酒杯連
年悲劫火滿目總蒿萊

乙丑九月余方自杭州歸

欲問前遊樂憑君

一卷開

二

昔年江上客元白本齊聲落落空儕輩悠悠隔死生亂
離餘舊稿鄭重見交情畱得詩篇在湖山一代名

重刻遊杭合集目錄

徐遠香詩三十一首

丁酉七月九日買舟出西郭

山陰道中

抵杭和徐十三時棟韻

見徐十三作家書感賦

淨慈寺羅漢堂茶話

孤山懷林和靖

冒雨謁岳鄂王廟

湖上雨歸

遊杭合集目錄

蘇隄

西湖雜詩

二山

三慈

四翁十三

五詠

六劉

飛來峯和徐十三

冷泉亭三十一首

雲林寺

謁岳鄂王墓

延清水榭觀紅蓮

登錢氏看經閣

舟中望半閒堂

觀六一泉

恭謁

高宗純皇帝行宮

約友人謁張蒼水先生墓不果

與周大宏維遊萬松嶺

登鳳凰山絕頂尋御教場古址

遊杭合集目錄

二

江山船曲

二

綵旗

八月十七日歸渡錢江

徐柳泉詩七十七首

七月九夜泊慈江

舟中與周大茶談經

車廡山

十一夜過山陰懷賀先生

十二日達西陵

二 西湖雜詩

抵杭同徐二元第作

作家書畢寄呈仲兄兼示四五六諸弟

杭州書所見
上雨飄蕭

二

三 醉吟翁二孤山對林咏

四 宿慈寺羅漢堂觀顯僧散

五

登吳山最高處

由七寶山入三茅觀

遊杭合集目錄

三

遊山途迷不得下遇老僧告以歸路

十五日同徐二出清波門始遊西湖

二

入淨慈寺羅漢堂瞻顯僧遺像

次韻和徐二孤山懷林和靖

二

戲次徐二湖上雨歸詩韻

二十日寓中呈仲兄兼示四五六諸弟

表忠觀

西湖雜詩

二泉亭小憩

三來峯同徐二

四

五

六 靈隱道中

七 六

八 瓦

九 四

十 三

十一

十二

十三

十四

十五

十六

靈隱道中

二

三

飛來峯同徐二

冷泉亭小憩

遊杭合集目錄

四

遊雲林寺遇雨遂過酒樓小酌

酒樓口號

二

三

拜岳鄂王墓

二

三

延清水榭觀紅蓮

和徐二登錢氏看經閣

舟中望半閒堂同徐二作

二

六一泉

讀徐二江山船曲有感卽次其韻

二

杭人禳鬼詞

有序

二

三

四

七月晦夕

杭州雜詩

二

三

四

五

六

寓中賦別天台戚小鶴祖姚時八月十六夕

二

三

歸渡錢江次徐二韻

歸棹

遊杭合集目錄

六

十八夜舟行姚江大風雨

歸家作

寓中賦別天台戚小鶴祖姚時八月十六夕

六

五

四

三

重刻遊杭合集

徐元第遠香

撰

男

士琛楚亭

校字

徐時棟柳泉

隆壽平甫

往今體詩一百八首

丁酉七月九日買舟出西郭

遠香

買舟出西郭卅里入江中人臥一篷雨潮生半席風別情猶惻惻暮景只怱怱自此他鄉去山川便不同

是夜泊慈江

柳泉

暗風吹雨打篷窗知近鄉村有吠龍廿四年來初作客

一舟今夜泊慈江

遊杭合集

一

舟中與周大葵談經

柳泉

生後千百載衆說如雷鳴依傍非良策吾欲空中行奧旨滿墳典誰能通遺經迷途指示我何一非先正開卷讀傳注師說胡硜硜義疏左右袒胸中無權衡一變談義理空誇敵戈兵盛氣來指斥語亦非平情吁嗟先聖言豈煩紛相爭抱經究終始庶幾明且清日月忽以往古人不復生欲獻爲君言明月落江城

馮曰意欲舉漢宋之學而空之卓見亦偏見也又曰開卷以下四韻說盡漢唐宋元以來講儒說經流弊又曰讀盛氣二語可見西河輩攻擊太甚非儒者中和氣象又曰末二韻有及時爲學之意收處

到題

車廡山

柳泉

得鹿中原仍失兔。天涯歷歷皆紅樹。明州江上越王山。秣馬人知何處去。

山陰道中

遠香

水碧沙明十里隄。花船長繫柳橋西。人家多住深林裏。

一路野風颯午雞。

馮曰幽峭有風致七絕上乘

十一夜過山陰懷賀先生

柳泉

洛陽到處飛雲白。巖都送賀監詩自注云將離洛都歷別公卿十數事其處皆有白雲起

山陰道士迎狂客。出關仙馭過江船。鏡湖千載風流伯。

遊杭合集

二

先生昔在開天際。兩命方榮作歸計。八六行年歸去來。

後人卻笑何濡滯。是時朝中無老成。上以宮傅煩先生。

陳善納誨毓聖德。羽翼未成難遽行。可久則久速則速。

時乎時乎非止足。果然靈武日再中。中興元功歸舊學。

世儒持論多失真。不知其世爭其人。憑君試誦唐賢句。

我豈無故板先民。齊辭詩云君家在四明李白詩云狂客歸四明山陰道士迎故余斷先生

為四明人而隱於山陰者前入互相爭論多屬附會而今而毛大可據錯誤唐書爭先生為蕭山人尤可笑也

我來入山陰道極目稽山無賀老。諸君勿喧聽我歌陳。

言欲以新詩掃我歌。汝和狂嘯呼天高。月明秋滿湖有。

賢如此不相識。我懷先生高風孤。

馮曰音調入古有頓足起舞之概。又曰唐君臣無不美先生止足然以八六六年始歸林下而尚謂之止足可乎故李杲堂詩云滿朝猶說休官早想見當年仕宦情此詩獨闢羣說謂受宮傳重任毓德未成故不可去至教導盡職視肅宗可以中興而後去之非止足也持論實為奇勗宋人論靈武之事謂犯父子大倫而以先生早歸不與其事為知幾其言不合當日時世而亦迂腐此論既出可以廢前說矣。又曰浙東振先生為鄉賢幾成聚訟此以廢前說矣。又時人詩為斷極典核極平允足息紛紛。

十二日達西陵

柳泉

出門別婚友三日在扁舟驛路漸秋色行人多白頭

二

眼未經滄海江天混渺茫行行遊子意渡口拜潮王

馮曰亦古淡

遊杭合集

三

抵杭同徐二元第作

柳泉

匣劍囊書在紛騰古渡頭大江流滾滾送我到杭州家信十行字西風七月秋湖山如此好吾欲及時遊

抵杭和徐十三時棟韻

遠香

始信錢塘險風波激上頭過江盡吳地回首望明州野色全如畫藕香初報秋廬陵何氏館且去覓同遊

作家書畢寄呈仲兄兼示四五六諸弟

柳泉

五日離家客何須問置郵思兒有老母一日已三秋餐飯加平昔關河恍舊游諸君懽繞膝為我讀從頭

馮曰使我忽動歸養之
念詩之能移人情如此

見徐十三作家書感賦

遠香

客路平安報秋光一雁新思君猶有母繁我獨無親餘
恨空千古天涯寄此身封完憑附筆傳語到家人

馮曰至
性沈著

杭州書所見

柳泉

多少人家比屋居入門聽事儼渠渠柱中聯語堂中扁
盡刻山舟學士書

二

相逢傾蓋便歡娛同氣連枝總不殊今日城隍山上去

遊杭合集

四

明朝還請落西湖

三

拜客終朝晚始歸綠紗窗轎走如飛歸來鄰米無從貸
又喚髯奴去典衣

四

天竺三山已問程淨慈靈隱復行行閒錢更把魚鰕買
來日雲棲會放生

五

豈真難變是鄉風陋俗相沿處處同一陌紙錢猶挂壁

殞宮多是敝廬中
此杭俗陋習之最無理者不知有司何以莫之問也

馮曰全似竹枝後
四首寓意深矣

登吳山最高處

柳泉

上清殿宇梵王宮。萬戶千門處處通。鐵笛一聲吹落雁
白雲三疊唱西風。霸圖銷歇人何處。猶有樓臺入望中。

馮曰用白傅體亦
有古致非律詩也

由七寶山入三茅觀

柳泉

未到三茅觀。先登七寶山。路幽天氣爽。溪曲水聲灣。荒
草人無跡。蒼松戶不關。垣墉泥剝落。椽桷色爛斑。朱鼎
知何在。唐鐘不復頽。二物皆紹興開所賜人真非火食。地似隔塵
寰。鶴去碧桃冷。雲封白石頑。月高吹鳳管。那得鍊師還。

遊杭合集

五

遊山途迷不得下。遇老僧告以歸路。柳泉

暝色生空谷。逢僧策杖還。迷途因借問。才下紫陽山。

十五日同徐二出清波門始遊西湖。柳泉

名勝由來耳。熟之不圖奇。勝至於斯。舍毫欲寫西湖景。

定是人閒拙畫師。

二

西子西湖舊品題。到湖如到浣紗溪。從今請自吳宮外。

不許他湖也。姓西。前人言天下西湖三十

馮曰農家姓西原屬詩人游戲之筆。後人以考据
論之殊為多事。此乃以氏聖湖真覺奇巧驚人。

入淨慈寺羅漢堂瞻顛僧遺像

柳泉

本來一夢是邯鄲欲賸皮囊亦大難不信世間還有佛
指頭曾向肉身彈

淨慈寺羅漢堂茶話

遠香

散步來蕭寺南屏正夕陽隨人數羅漢運木笑荒唐曲
沼野荷滿暮山秋意涼卻因茶味好耐我坐禪房

馮曰
高韻

孤山懷林和靖

遠香

孤山曲曲水滋滋和靖先生高隱時忽得泥金家報至
梅花卷後記新詩

次韻和徐二孤山懷林和靖

柳泉

遊杭合集

六

問訊孤山水已滋先生來作寓公時鄉賢多少無人識
差幸將歸尙有詩和靖集中有將歸奉化之作不然幾不知其爲四明人也

二

詩論先生衆口滋梅花新咏襲前時暗香疏影尋常句
未許羣芳冒此詩

冒雨謁岳鄂王廟

遠香

哭赴金牌召純臣古所難血留千載碧忠獻一心丹野
廟傳靈祀明湖作壯觀可憐三字獄風雨至今酸

湖上雨歸

遠香

朝出清波門晴光滿崖谷買棹抵南屏消受湖山福烟

雨忽然來西子施膏沐湖氣迷濛濛好當奇畫讀天旣
催我詩亦復新吾目船窗坐遊覽水漲湖橋六上隄易
肩輿淋漓溼野服歸來興不淺斯遊吾能續何當攜故
人重話孤山麓

戲次徐二湖上雨歸詩韻

柳泉

與子有成約偏走千崖谷壯遊良快心高眠亦清福當
子出門時晏起我方沐歸示我新詩其曰皆可讀子游
如吾遊臥游等游目擔板見一邊我尚非徐六狂點不
浴沂亦旣成春服我詩子難賡子游我能續聯榻姑酣
眠明當入山麓

遊杭合集

七

馮曰次韻至此真不愧坡公矣 又曰語
雖調侃亦有至理 又曰六服二韻奇妙

蘇隄

遠香

落花深處襯輪蹏面面湖光淡欲迷數尺斜陽挂秋柳
回頭人影在蘇隄

馮曰
如畫

二十日寓中

柳泉

滿城風雨報初更羅袂生涼睡不成無事懷人忽相憶
去年今日女兒生

馮曰天然好
詩不可多得

表忠觀

柳泉

千古功名運會中紛紛劉董太凡庸艱難時世民思霸
錦繡山河帝表忠五代興朝流水盡一王遺廟大江東
穹碑林立新磨刻勛業文章各自雄

西湖雜詩

柳泉

清波門外泛輕艫何處天然好畫圖幾樹垂楊兩隄水
有人騎馬到西湖

二

我欲句留何處邊初來勝地總茫然篙師爲我從頭說
已載游人五十年

三

遊杭合集

八

湖上孤山第一山梅清鶴瘦水彎環先生有意成高隱
如此柴門不易關吾鄉徐晉公懋昭淡園集有孤山說
極論和靖之非真隱然讀和靖更欲
移家之作則亦未
嘗不深悔之也

四

純皇宮殿壓湖開

御道無人掃綠苔始信空王能護法

聖因寺裏壯樓臺

五

閣外湖波激灩如閣中白石映清渠幾時買屋杭州住

編讀

交瀾閣上書

六

居然俗語是丹青。摩乳澆胸太不經。汗穢岳王乾淨土。
不將餅水沃邾廷。岳王墓前鐵鑄秦檜等四跪像行客
往往摩檜妻兩乳而以小便澆四人
謂如此則百事皆利。每過神道穢臭。
至不可耐。官斯土者自當勸禁之也。

七

湖頭仕女日紛紛。鄂國祠前散似雲。一樣忠魂葬湖上。
更無游客吊于墳。問舟子以于墓
竟不知所在

八

南屏山上草蒙茸。小有天園景已空。嬾看摩崖擘窠字。

遊杭合集

九

隻雞斗酒拜蒼翁。張忠烈公葬南屏所謂游神
在岳于二少保之間者也

九

曲曲朱闌護水濱。平湖舊景一番新。綠藤紅藕楹閒帖。
半襲時賢半古人。

十

聞說當年有撫君。選將姬侍塑如真。湖頭新蓋花王廟。
派作司花十二神。

十一

果然下筆是驚人。也許全空冀北羣。如此畫圖聊爾爾。
恐難輕抹李將軍。

十二

湖好。原因。水利。開浚。湖餘。力作。亭臺。游人。競說。西湖好。
請讀。當年。奏議。來。

十三

南來。泥馬。亦怒。怒為。愛西。湖戀。此中。更有。君王。看不足。
詔開。湖景。在深。宮。

十四

到處。流連。看好。花南。朝君。相愛。繁華。湖山。也解。傾人。國。
西子。西湖。比不。差。

十五

遊杭合集

十

茜紗。窗輪。出闌。閣畫。舫時。時見。彼姝。生長。深閨。人未。識。
卻教。飽看。在西。湖。杭州鄉風居然以泛湖為歲時公事其害當不止休蠶織已也薦紳先生似宜有以變之

十六

相逢。平白。惹相。思卻。借西。湖唱。竹枝。欲洗。人閒。脂粉。色。
鐵崖。還有。女兒。詞。

西湖雜詩

遠香

明聖。湖邊。游興。濃雲。嵐疊。疊水。淙淙。何人。立馬。懷天。末。
指點。吳山。第一。峯。

馮曰氣象
雄視一切

二
隊隊行來出湧金湖船遊戲到湖心直教拗向裏湖去
蕩破湖烟一角深

三
西泠村路護輕雲三尺荒邱蘇小墳可惜美人已黃土
一叢芳草送斜曛

四
食單閒向酒邊斟西子湖頭秋已深招手湖船買菱芡
却輸風味與蓮心

五
遊杭合集
五柳居前草色青醉中閒愛棹歌聽湖光返照垂楊路
扶過六橋人未醒

六
沙隄十里記歸筇斜日湖頭聽晚鐘最是未能拋得去
斷橋人立看回峯

馮日數
詩雅馴

靈隱道中

柳泉

芒鞋入靈隱兩耳皆松聲沙隄嵌拳石芳草相閒生林
深嘯鳥寂水滿秋田平窮勝竭足力行行重行行好境
招我來山川亦沾名

中田搭茅屋小坐來清風願言同遊人去此勿忽忽修竹隔山徑嘹唳出飛鴻飛鴻去不遠翕忽騰遙空但聞伐木聲丁丁山谷中雲深不得見焉知西與東

淮南既仙去不忘去藩封好秦皇作天子力索風塵表兩心互相易各各解煩惱武陵津已迷苦憶令人老情爲境所遷斯言猶未了但得心胸開何處非蓬島偷閒來一游曠無俗塵擾心空山更幽雲散風亦渺我卽仙中人勿謂吾言矯

飛來峯同徐二

柳泉

吁嗟噫嘻美矣哉此峯云自天竺靈鷲山中飛而來中天竺國去此一萬五千里竟無一點礪礪剝落有如此大不過拳石高不過千尺仰而視之陰以黑俯而入之偏且窄而乃一邱一壑門千戶百或縱或橫或正或側如立如舞如主如客如不愛惜亂擘之又如鄭重細彫畫大造欲以巧勝人不顧俗眼驚魂魄蒼蒼莽莽遠道忽飛來於是人閒一切奇山怪石皆沙磧吁嗟噫嘻美矣乎我家月湖明秀清朗如西湖但少一朵好山作佳供還能插翅飛來無叱咤嘻噓大聲疾呼去此不過四

百里巨靈爲我挾過錢唐曹娥之江真須臾不然擲下
明聖湖中央亦復奇峭秀澤饒清光何爲飛在亂山之
中陳且僵使我見此如有不足心鞅鞅叶吁嗟噫嘻天
荒唐

馮曰純學青蓮開拓萬古
心胸推倒一世豪傑矣

飛來峯和徐十三

遠香

我家四明稱洞天竹房松牖生雲烟興來倒騎綠玉杖
徧遊二百八十之崖巔鑿險絕幽羅萬有四窗秀削相
鉤連自喜此境不易得將欲卑視天下一切之山川俄
聞武林有奇勝不知何處峯巒飛墮西湖邊西湖之水

遊杭合集

十三

淺而碧西湖之山秀而澤攀藤捫蘿幽更幽見此便許
非常格一峯搖搖欲下垂一峯躍起抵其隙洞中石乳
流涓涓吸之足以清詩魄奇頑未經女媧鍊嗟爾山靈
胡向空中擲我聞在昔摩詰畫石藏祕府天命六丁下
追取海風怒發不得上盤空怪影雲無主神仙指點化
爲峯欲下不下逗秋雨靈鷲山前選佛場冷泉流破空
無補玲瓏巖岫忽飛來至今蒼蒼猶帶墨花舞

馮曰絕幽琢險于規範中寓奇譎真柳泉作
真勁敵也 又曰淺碧秀澤論定西湖之勝

冷泉亭

遠香

澗外碧雲深荒亭對古岑有泉終古冷可以滌吾襟秋

色上苔。席寒風。颯水禽。此閒得佳趣。少坐夕陽沈。

冷泉亭小憩

柳泉

冷水一泓清。且潔塵寰遍地。都炎熱飢腸雷動。足亦倦空亭小住。食黃醇巖巒歷歷。寒當風對此肺腑皆清徹。坐聽遊客話古今。萬事變幻無成。轍康壽宮中鑿冷泉。可憐一勺不能咽。海上龍雛飛不飛。塵埃滿井源頭絕。白波冷澗青苔花。鷺山終古拋飛雪。人生怒忙如春駒。我知此意爲誰說。

馮曰昔有妓女讀冷泉詩而入道此詩亦可叫醒世上熱人

遊雲林寺遇雨遂過酒樓小酌

柳泉

遊杭合集

七

老樹環溪立。長風又送雷。路從峯曲轉。亭向小樓開。黃葉雨中落。白雲山外來。半年不飲酒。客裏一傾杯。

馮曰真似襄陽矣又似青蓮

酒樓口號

柳泉

泉待幾時冷。轉峯當何日。飛歸欲問山靈無語我姑酌。彼金壘。

二

湖光澌澌方好。山色空濛更奇。乍晴乍雨。今日游水游山。總宜。

三

舟子年年泛水酒庸日日看山冷笑游人多事詩歌流
落人閒

雲林寺

遠香

鷺峯靈隱寺初地賦來遊憑閣客吟夕打鐘僧借秋冷
泉鳴曲澗小雨覓歸舟重到茅家埠湖光望裏收

馮曰鍊句鍊
字皆極其至

謁岳鄂王墓

遠香

古墓傍山麓重來展拜遲精忠貫金石老樹亦南枝過
兩泉鳴壑尋詩壁有碑彼奸今旣死鑄鐵復何爲

拜岳鄂王墓

柳泉

遊杭合集

十五

衰草斜陽宋故宮殘山一角葬貞忠前朝多少興亡事
都在遊人下拜中

二

湖上騎驢亦偶然古來大將幾歸田丈夫死國尋常事
可惜英雄正壯年

馮曰不禁
英雄淚滿

三

金牌十二惜勛庸再失中原是二宗朽木燈檠如早返
定教痛飲到黃龍

馮曰苛論
實定論也

延清水榭觀紅蓮

柳泉

延清池頭吹天風。庭榭芳馥花蒙茸。環珮隱約躡仙踪。
那知一笑重相逢。白露新削玉芙蓉。篆烟縷縷噴鮮紅。
綠波浮滑媚芳容。胭脂輕暈香玲瓏。美人贈我以蓮筒。
纖手一擲還。忽忽折而食之甘且鬆。如飲玉液遊仙宮。
人生斯世若飛蓬。明朝分手各西東。願君食此乘長虹。
年年醉倒在花叢。

馮曰飄飄有仙子意絕唱也

延清水榭觀紅蓮

遠香

買棹金沙港。臨流小榭欹。紅蓮競舒蕊。相賞欲移時。忽

遊杭合集

十六

聽可憐曲。美人來未遲。搴芳有佳興。助我賦新詩。

馮曰接拍入妙深於律矣

登錢氏看經閣

遠香

高閣凌虛入畫圖。明窗淨几點塵無。一經株守成何事。
且付游人飽看湖。

和徐二登錢氏看經閣

呵護江山佛有靈。施將金塔徧西泠。錢王新建看經閣。
不看儒經看佛經。

舟中望半閒堂

遠香

一徑曲而上。數椽廠高岡。林端臥白雲。不知誰家莊。回

首語舟子答言賈平章當年鬪蟋蟀美人列瑤房誰爲
葺遺址老屋明斜陽使我發浩歎望古空茫茫

舟中望半閒堂同徐二作

柳泉

山川無語看興亡蟋蟀聲中老夕陽一代偏安成底事
舟人還說半閒堂

馮曰不著一字盡得風流

二

湖山處處恣幽探如此風光死亦甘一半清閒先占取
半閒畱在木棉庵

馮曰異想天開鬼雄痛哭矣

遊杭合集

十七

六一泉

柳泉

落日滿荒城秋山瓦礫平古來多少事今日但畱名茶
熟料鄉味僧貧見俗情何人記佳話碑刻尚縱橫

馮曰古人勝蹟大半似此又曰作者五律以氣韻勝時入唐賢之室

觀六一泉

遠香

六一佳名記大蘇而今亂砌長蘼蕪不知秋水一潭碧
猶似當年風味無

馮曰七絕最爲幽峭作者本色

恭謁

高宗純皇帝行宮

遠香

俯身瞻

魏闕瑰麗向天開到處

宸章滿當年

聖主來湖山增氣象風月壯亭臺

御路回鑾久蒼蒼點碧苔

約友人謁張蒼水先生墓不果

遠香

歸棹急於鳥滿山秋葉黃未尋忠烈墓此意不能忘論
已千秋定神游少保俯幾時一壺酒衰草弔蒼茫

與周大宏維遊萬松嶺

遠香

我遊萬松嶺嶺上多寒松聞昔風雨夜虬枝化為龍翠

遊杭合集

十六

濤挾而去一嶺雲自封雲封不可上隔林聞暮鐘去去
覓歸路夕陽掛晴峯

馮曰古音淨琤

登鳳凰山絕頂尋御教場古址

遠香

絕頂平開教戰場那堪終古贍斜陽十分湖景排前嶺
萬里江流滾大洋沙徑蒙茸秋草碧石碑斑駁土花黃
我來憑眺增悲慨人事年光兩渺茫

江山船曲

遠香

相逢一一喚同年滿目江山春可憐著意勸郎須記取
臺亭高廠是儂船

一生嫁娶在輕舟，生長江湖更不愁。愛看江頭六和塔，
教郎寬性住杭州。

讀徐二江山船曲有感卽次其韻 柳泉

天生尤物西湖景，閱盡興亡最可憐。那識錢唐江上路，
亭臺還有女兒船。

險絕風波蕩客舟，恰教紅粉解君愁。爲君壓酒爲君舞，
輕過杭州抵越州。

馮曰自是正論未
可以迂言目之

遊杭合集

綵旗

遠香

綵旗隊隊拂平簷，金鴨爐中香細添。知是今朝新採秀，
紅樓十里捲珠簾。

杭人禳鬼詞 有序

柳泉

楚鬼越禳而杭俗尤甚，客杭四旬偶出游覽卽所見
者成詠以志土風。中元節游省城隍廟是日神出北
關門外恤孤將出傳柳擊鼓事事如督撫威儀其胥
役無慮數百各有人以實之有牌有簿堂上傳呼則
階下聲諾土人云諸隸名者卽諸大府衙中之爲胥
役者也。

八座威儀鼓角鳴。果然事死卽如生。吏胥徒役班班在階下。齊聽點卯聲。

二
七月中大家小室無不施鬼食者。疏宗遠戚並書其姓名。位號於紙。版列供兩旁。其施送以冥鏹爲主。堆積如山。所供祭饌瓜果而已。土人云有七百錢便可作此功德耳。

孟蘭盆會設家家座上。高僧誦法華大會團樂鬼姻。亞一壺清酒一盤瓜。

三

遊杭合集

三

七月晦夕土人陪余游東獄殿。觀發放餓鬼。至則見殿門外列牙笏十一。笏書十一府城隍使司。俄頃殿上。傳宣某府城隍司進。則見一人衣冠秉某府城隍笏。由東角門報門而入。拜舞已殿上。一人宣讀詔諭。詔諭大略言以紙錢分給郡中餓鬼。於是二人肩紙錢數萬隨播笏者。由西角門而出。其作何分給不得而知也。土人云傳宣十一郡旣畢尙有發符開地獄門。諸儀節夜深露冷吾不欲觀之矣。

嶽皇宮殿鬱崔嵬。夜半傳宣棨戟開。讀罷詔書神拜起。紙錢領賜出門來。果

吾友邵又橋

錦泉

寓蕭王廟中八月十五夕余既出

棘圍過訪又橋廟中金奏亂鳴人聲雜遝土人云今日蕭王生日也是日省中諸廟皆具儀物書丹刺使人來為王壽王廟中主者則設筵席禮待來使飲酒食湯餅以去余見其諸廟來刺有書晚生關某頓首拜者有書愚妹觀世音斂衽拜者其夜設家宴移蕭王像於左移寢殿夫人像於前殿與王對坐王側有男侍數十人夫人側女侍稱之奏樂進饌無異人世之饗貴客而每供一湯則王與夫人各換一袍土人云將為長夜之飲也

遊杭合集

三

紛紛紅東壽蕭王家宴初排夜未央綠錦宮袍一齊換兩行男女上羹湯

七月晦夕

柳泉

越羅衫子換吳綾鴉髻女兒嬌不勝拜地藏王生日去毬花香顆藕花燈

杭州雜詩

柳泉

西家有女已傳紅歡會姻鄰酒食中來請異鄉人壓席酒邊為我說鄉風

相將踏月看新婚。簫鼓喧闐正入門。蠟炬紗燈天不夜。果然昏禮是黃昏。

三

滿堂擲果忽鏗錡。贏得兒童喜笑聲。恰與姑嫜無一面。來朝身子始分明。

四

紛紛儀仗壯觀瞻。旗有垂旒繖有幘。十里樓頭簾盡捲。倚將紅袖看迎簾。

五

鼓角喧鳴鑼院開。不知誰是謫仙才。無端也與紅顏事。

遊杭合集

三

貢院橋頭拾秀來。

六

年年隨例作逍遙。山上朱軒水畫橈。才過中秋三兩日。望江門外又看潮。

寓中賦別天台戚小鶴

祖姚

時八月十六夕

柳泉

尊府吾鄉老廣文。著書眞不媿多聞。鶴泉先生諱學標教授甯波府學所著四書偶談續談皆心香一瓣淵源在客路。秋高又見

淵博而有心得者

集唐曾記舊風流亦鶴泉先生所著不替家風是紀游君嘗爲門紀還有女孫能弄筆詩人佳話在台州君女蓉裳亦能詩嘗見其數絕句清婉可誦

三

小聚狂歌只數句未知後會更何因謂余不信有如月
方寸天涯各故人

十七日歸渡錢江

遠香

芒鞋踏沙地緩步到江邊風急鬼推浪日高人坐船目
中空雁路秋外起炊烟欲待看潮去歸心已浩然

歸渡錢江次徐二韻

柳泉

遊杭合集

三

天與水一色茫茫何處邊大江東去也人坐白篷船歸
客牛吳語曉山生越烟眼中空闊處圖畫總天然

歸棹

柳泉

歸棹泊橫塘西風拂袖涼半村飛落葉杯酒話斜陽野
水亂流急客心歸去忙出門兒未慣白髮倚闌望

十八夜舟行姚江大風雨

柳泉

每過荒村亂報更棹歌低唱不分明寸心百轉無眠客
一夜風風雨雨聲

歸家作

柳泉

出門才四旬歸來如久別老母笑相看弟兄同入室團

坐爲問答約畧杭州說湖山佳勝處游情向飛越母言
自兒去我心常切切兒生廿四年嬌慣不離膝作客亦
近止在路三數日中隔兩重江風波聞險絕異地生人
多世態兒未閱家居意兀傲客中憂拗折每當風雨夜
輾轉心如結兒今好歸來我亦心安謐嗟嗟游子情思
家有時節那知思兒心曉夜未曾歇豈不撫征衣顧念
慈線密窮勝欲忘歸聞訓頓如失賦詩殿游卷聊以鄙
懷述客游雖云樂無事敢輕出

